

**-UPRAVNI ODBOR-**

Broj: 02-3-2/25

Sarajevo, 04. 02. 2025. godine

Na osnovu člana 59. Zakona o visokom obrazovanju Kantona Sarajevo („Službene novine Kantona Sarajevo“, broj 36/22), a u vezi sa članom 17. Zakona o javnim nabavkama („Službene novine BiH“, broj 39/14, 59/22, 50/24), člana 60. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, a u skladu sa Odlukom Skupštine Kantona Sarajevo o privremenom finansiranju potreba Kantona Sarajevo za period od 01. 01. do 31. 03. 2025. godine, broj: 01-04-55509/24 od 30. 12. 2024. godine („Službene novine Kantona Sarajevo, broj: 52/24), u vezi sa članom 4. stav (7) Pravilnika o finansijskom poslovanju Univerziteta u Sarajevu, broj: 02-28-6-1/22 od 23. 11. 2022. godine, na prijedlog Senata Univerziteta u Sarajevu, broj: 01-1-2/25 od 29. 01. 2025. godine, Upravni odbor Univerziteta u Sarajevu je na 30. vanrednoj sjednici, održanoj 04. 02. 2025. godine, *donio*

**ODLUKU**

***o usvajanju Privremenog plana nabavki Univerziteta u Sarajevu  
za period privremenog finansiranja januar - mart 2025. godine***

**I*****(Predmet odluke)***

*Usvaja se Privremeni plan nabavki Univerziteta u Sarajevu za period privremenog finansiranja od 01. 01. do 31. 03. 2025. godine, kao u tabeli koja se nalazi u prilogu i čini sastavni dio ove Odluke.*

**II*****(Sastavni dio odluke o usvajanju plana nabavki)***

Sastavni dio ove Odluke o usvajanju Privremenog plana nabavki Univerziteta u Sarajevu za period privremenog finansiranja obuhvata nabavku roba, usluga i radova, te sadrži podatke o nazivu predmeta nabavke, oznake iz jedinstvenog rječnika javnih nabavki (JRJN), vrstu postupka, da li se predmet dijeli na lotove, vrstu ugovora, da li će biti zaključen ugovor o javnoj nabavci ili okvirni sporazum, period trajanja ugovora o javnoj nabavci ili okvirnog sporazuma, procijenjenu vrijednost nabavke, okvirni datum pokretanja postupka nabavke, podatke o izvoru finansiranja, podatak za koju godinu se plan donosi, konto u finansijskom planu i dodatne napomene.

**III*****(Pokretanje postupka javne nabavke)***

(1) Postupak javne nabavke predviđene Privremenim planom nabavki Univerziteta u Sarajevu za period privremenog finansiranja pokreće se donošenjem odluke ili rješenja o pokretanju postupka u pisanoj formi, koja obavezno sadrži elemente utvrđene članom 18. Zakona o javnim nabavkama („ Službene novine BiH “ broj: 39/14, 59/22, 50/24).

(2) Ovlašćuje se rektor Univerziteta u Sarajevu/rukovodilac članice, da za svaki pojedinačni predmet nabavki predviđen u Privremenom planu nabavki Univerziteta u Sarajevu za period privremenog finansiranja Univerziteta u Sarajevu/članice donese odluku iz stava (1) ovog člana, te po uspješnom okončanju postupka nabavke donese odluku o izboru najpovoljnijeg ponuđača, zaključi ugovor o javnoj nabavci i potpisuje svu finansijsku dokumentaciju u cilju izvršenja ugovorenih obaveza ili da donese odluku o poništenju postupka ili odluku o pokretanju ponovnog postupka pod uslovima utvrđenim Zakonom o javnim nabavkama BiH i drugim zakonskim i podzakonskim propisima, koji uređuju tu oblast.

#### **IV**

##### ***(Obaveza postupanja u skladu sa zakonom i podzakonskim aktima)***

(1) Obavezuju se rektor Univerziteta u Sarajevu/rukovodilac članice da postupak javne nabavke provodi u skladu sa Zakonom o javnim nabavkama i podzakonskim aktima koji su doneseni u skladu sa zakonom.

(2) Članice Univerziteta u Sarajevu u postupku nabavke samostalno provode postupke javne nabavke i snose odgovornost za provedene postupke i donesene odluke.

#### **V**

##### ***(Objavljivanje privremenog plana nabavki)***

(1) Univerzitet u Sarajevu objavljuje svoj Privremeni plan nabavki Univerziteta u Sarajevu za period privremenog finansiranja na *portalu javnih nabavki*.

(2) Obavezuju se administratori članica Univerziteta da na portalu javnih nabavki, privremeni plan nabavki Univerziteta u Sarajevu za period privremenog finansiranja unesu u formi i na način kako je definisano u portalu javnih nabavki u skladu sa Odlukom Privremeni plan nabavki Univerziteta u Sarajevu za period privremenog finansiranja od 01.01. do 31.03.2025. godine

#### **VI**

##### ***(Izmjena ili dopuna plana nabavki)***

(1) Privremeni plan nabavki se može izmijeniti ili dopuniti u skladu sa obezbijedenim finansijskim sredstvima.

(2) Pod izmjenom plana nabavki se podrazumijeva brisanje planiranog predmeta nabavke, izmjena planiranog predmeta nabavke, procijenjene vrijednosti, vrsta ugovora, zaključenje i period trajanja ugovora/okvirnog sporazuma, okvirni datum pokretanja postupka, podatke o izvoru finansiranja, da li se predmet dijeli na lotove i dodatne napomene.

(3) Pod dopunom privremenog plana nabavki se podrazumijeva planiranje novog predmeta nabavke u slučaju nastanka potrebe za nabavkom roba, usluga ili radova koji se nisu mogli predvidjeti u vrijeme donošenja plana nabavki.

(4) Posebnu odluku o izmjeni ili dopuni privremenog plana nabavki za nabavke, čija pojedinačna procijenjena vrijednost nabavke bez uračunatog PDV-a ne prelazi iznos utvrđen Statutom za čije

korištenje je ovlašten rektor Univerziteta u Sarajevu/rukovodilac članice, na prijedlog rukovodioca članice donosi rektor Univerziteta u Sarajevu.

(5) Posebnu odluku o izmjeni ili dopuni privremenog plana nabavki za nabavke, čija pojedinačna procijenjena vrijednost nabavke bez uračunatog PDV- prelazi iznos utvrđen Statutom za čije korištenje je ovlašten rektor Univerziteta u Sarajevu/rukovodilac članice, na njihov prijedlog, donosi Upravni odbor Univerziteta u Sarajevu.

(6) Posebna odluka iz stava (4) i (5) ovog člana mora sadržati obrazloženje o neophodnosti i osnovanosti izmjene plana nabavki, odnosno dopune plana sa nabavkama koje se nisu mogle predvidjeti u vrijeme donošenja plana, pod uslovom da su za te namjene obezbijeđena finansijska sredstva.

(7) Univerzitet u Sarajevu je obavezan svaku izmjenu i/ili dopunu privremenog plana nabavki objaviti na portalu javnih nabavki, odmah po donošenju odluke o izmjeni ili dopuni plana nabavki.

(8) Izuzetno, Upravni odbor može na prijedlog rektora Univerziteta/rukovodioca članice donijeti odluku o izmjeni ili dopuni privremenog plana nabavki i u slučajevima kada procijenjena vrijednost nabavke ne prelazi iznos utvrđen Statutom za čije korištenje je ovlašten rektor/rukovodilac, ukoliko je to od općeg značaja za Univerzitet, ukoliko se radi o specifičnim nabavkama i u nekim drugim opravdanim slučajevima.

## **VII**

### **(Izvjestavanje)**

Univerzitet u Sarajevu/članica je obavezan/obavezna dostaviti Upravnom odboru Univerziteta u Sarajevu izvještaj o izvršenju plana nabavki za 2025. godinu, u koji trebaju biti uključene i sve izmjene i dopune plana nabavki.

## **VIII**

### **(Završne odredbe)**

(1) Ova Odluka stupa na snagu danom donošenja.

(2) Ova Odluka će biti objavljena na internetskoj stranici Univerziteta u Sarajevu/članice zajedno sa planom nabavki.

**PREDSJEDNIK  
UPRavnog ODBORA**

**Dr. sc. Murat Ramđanović**

Dostaviti:

- Rektor Univerziteta u Sarajevu
- Rukovodiocima članica Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Jedinica za internu reviziju Univerziteta u Sarajevu
- Generalni sekretar Univerziteta u Sarajevu
- Služba za računovodstvo i finansije Univerziteta u Sarajevu
- Služba za javne nabavke Univerziteta u Sarajevu
- Služba za plan i analizu Univerziteta u Sarajevu
- U dokumentaciju Upravnog odbora Univerziteta u Sarajevu
- a/a

